









新編事文類聚翰墨大全癸集卷之五十四

釋教門 文類

榜語

巾山龍華會出榜

黃在軒

佛住兜率陀天示一生之補處化被閻浮提界會三教之同歸
恭惟正徧知是我大耋祖無極太極妙有玄中之玄先天後天
本無道外之道靈三寂二渾二論二玉晨道君肇開經室紫虛
玄聖不聞人文定于二孰能一之有以異無以異也紅雲頂上
宴三昧之慈光金蓮座中證五明之妙境今三世而並世為眾
生而下生是與天老大明尊之堂以廣附山無量壽之派一切
天人之歡喜十方世界之皈依瞻此碧環昭武飛來紫霧五百
年之識記有開必先千萬世之道場自今以始枕山峰而高峙
環帶水以崩陳難足迹連移下六牙之相蛾眉遠控推尊百獸

之王面勢坦平端倪軒豁天高地迴渺宇表之無窮日吉辰良
動山靈之相慶大啓尔宇實獲我心三十三天現前便是一時
一際這知最佳儼旃檀樓閣之哉重人冠履袈裟而同會以章
鴻慶以表龍華主人聖化造法城福地永爲佳話居士神通并
妙用大家齊結善緣三宝印明諸天洞鑒

華嚴會門榜

同前

佛經八萬四千卷所最重者大乘我等一切諸眾生以同成於
正意當求在給孤會上要爲度闍浮世間於此三十二分中所
以五次爲人說若有見聞者凡夫則非凡夫應生清淨心善法
是名善法維今具葉所書之字是昔祇樹曾種之根思玄誦兩
偏經良以所生之業姚待造二百部皆其爲母之緣所謂荷擔
如來以報在家菩薩合如法受持之衆作無量布施之心爰當
達辣之辰乃闡曼拏之敷演八一函之頓印讚五百卷之正宗
夢幻泡影之觀證六如於六道卯胎溫化之類悟四句於四生

凡同無告之孤均祥有為之法恒河沙數莫非般若之臺須彌
山土盡是菩提之樹人中最為第一世界徧滿大千經施無邊
法施無邊本不受不貪之念佛恩如是親恩如是妙難思議
之功慧日大明義天朗耀

金剛經會問榜

在軒

佛在舍衛大城說此經之九會我念阿僧祇劫度法界之眾生
若有人能於四句受持是故我今以七宝而施惟此經名聖教
之骨髓於斯世作苦海之津梁凡五千一百四十三言是具足者
在八百四十萬億佛於意云何快愚目之金篋截疑網之慧劍
剪萌心徑拂靄迷津自姚秦法師三藏之譯文至南唐保大五
年之定本甚為希有願樂欲聞雖見我色求我舌諸相悉皆虛
妄然有人誦為人說其功不可思議現在心即過去心宇宙事
皆已分事圓滿修多羅藏迴向大功德天一切鐵圍摧以金剛
之杵千層黑浪拯於般若之航對水官校錄之長修沙界曼曼

之會大地獄小地法免箇三之輪迴後世果前世因使人人之
等竟凡在聽法聞經之際同生正善遠惡之心以此上報四重
恩下濟三塗苦福德勝前福德本不受以不貪如來故名如來
皆衆知而悉見億天歡喜萬聖證明

又

同前

金剛三十二分是經作世津梁如來千百億身到處為人演說
恭惟薄伽梵念此閻浮提因有生念遂有生緣隨為諸趣障子
自心即了自性本即是空不可稱不可思議云何住云何降伏
是故四句偈等正當一念起時若胎生卵生濕化生都具知竟
無我見人見衆生見莫作斷常要令處二有此經所謂心二皆
是佛惟汾陽家積善以壽春本結緣為一切衆生散兩度五百
卷因緣會遇前世身今世身後世身書寫受持初分施中分施
後分施成大圓鏡得不退輪是名無量功德天與衆共行菩薩
道松林深處現別重說偈言桂子圓時我等同聲讚數修六受

擊之法施懺多羅藏之善勳凡在見聞皆生歡喜十在十迴向
合品二之華嚴三藐三菩提證聲二之般若二有幽冥者俱成
樂國緣惟願慈悲悉令滿足如是如是劫二永離鐵圍山善哉
善哉生生同到金剛岸慧珠朗照法宝印明

福善廟設齋門榜

在軒

世界從累劫來皆聖靈之有相功德第一最上惟法施之無邊
是故我佛慈悲普作眾生利益洪惟福善惠此武城為梵監主
坐梵監天受菩薩戒行菩薩道曰賜而賜曰雨而雨欲壽者壽
欲安者安夫何比歲之及乃有震鄰之鼓言脩羅戰歎幾無藕絲
孔之可逃如來影中獨使芭蕉身之不怖五千里天呼得應一
郡人心都是香家恩賜千金上聖之杯結願許七寶浮圖之座
今則駟騰騰於蒼地下騰馭於熙臺崇六晝夜大道場礼三億
拜無量塔龍華樹下對弥勒之下生眾法筵中修曼拏之普度
步寒林而懷惻流春澤之溼恩五帝衛壇謁翠雲於花蓋衆星

流幢暉鶴發於灯輪合在宮在廟神祇作難思難議功果報德
如天罔極賽願與月同圓若有見聞皆大歡喜上界中界下界
共成殊勝之緣天和地和民和永保太平之福萬靈保護二寶
印明

水陸會門榜

雪坡

我佛以慈悲故大開弘濟之門齋主修方便心廣設無礙之會
竊有請也其與事之既成造以在庭當無譁於聽命汝等生靈
人間世死入餓鬼所貧富貴賤之不同艱寡孤獨之無告作善
作不善皆自取之爲仁爲不仁出乎尔者自登冥錄難復人身
精鬼無依享祀何在慘二哭聲啼夜雨空二飢腹饜春雷凍餓
交攻悲酸可想惟尔自鞠自苦夫豈無辜無辜欲求解脫之方
須仗慈悲之力今之夜幸逢勝會各宜小心務在近者悅遠者
來不得卑踰尊踧踰戚呼朋引類同爲一飽之是求適口充腸
罔使匹夫之不獲惟喜康共當無所爭直須咸與惟新無或自

釋教門

作弗靖瞻禮慈尊懺悔出離冥府超生稽首皈依同聲讚歎今
亭告汝不易乃分猷念以相從其有長惡不悛罰及尔身弗可
悔故茲曉示各宜鑒知

祠山廟水陸戒約榜

在軒

告五姓孤魂等蓋聞徧浮提界在我法中有真君存即此心是
凡曰善男善女同歸大聖大慈相古先民若時有夏惟皇上帝
式遏頑苗既命重黎以絕地天通乃生正佑而佐水土治林澤
魑魅無不若山川鬼神莫不寧生太平死太平福無量壽無量
自經百千億劫誰念一切眾生浩二塵沙茫二宇宙三元甲子
雖若數行乎中二將丁壬無非神在其上以此威猛力為汝解
脫門汝等入邪見林墮無明網黑風漂羅刹可憐命無處逃金
烏繞須弥不與劫同時盡杜陵之骨誰收望帝之魂誰念敵場
勇士浮萍柳絮之無根戰馬將軍野草閑花之滿地惟有青龍
乎客那逢白鶴仙人未得出期永為苦趣世尊以慈憫故發廣

大心甘露如來普施法筵香乳焦面聖者悉停地戶泥犁若有
見聞同生歡喜我真君人中佛位天下神爺一駕輜帡瑞應夾
鐘之二月万官蒼佩輝臨環玉之千峰如是我聞甚為希有今
肖齋主合道場人演華藏之頓乘設桑門之盛饌重之無盡如
見諸佛諸尊會會相逢所謂一時一際汝等幽篁親見枯木逢
春同來聽法聞經正好明心見性勿以強陵弱勿以卑踰尊勿
起貪嗔勿生憍慢神通具足快瞻聖烈之光清淨法身直證毗
盧之果志心諦聽信受奉行

水陸戒約榜施金剛經懺會

同前

世界無涯佛為度筏人生如夢經是竟闕惟舍城章句之文乃
大藏骨髓之要金剛是堅固義般若其智慧名波羅蜜者到彼
岸云阿耨多羅乃無止字正等則三藐是正竟則三菩提一切
皆是有為四生謂之欲界人人奉道稱菩薩念念不退名摩訶
四果猶曰小乘三昧乃為正見不生謂涅槃不死謂槃內向涅槃

是心一合相皆為縛五眼本為自性六如悉曰假名過去心現
在心未來心則是非心又我相眾生相壽者相即非是相恒河
沙數非多之多福須彌山比非大之大身不可以三十二相觀
不可以千萬億分計直下頓悟為之受行不暫捨謂之持釋迦
者能仁牟尼者寂默如者寂然不動來者感而遂通轉輪王即
毗盧法身然燈佛是先天真性若能解所說義即應作如是觀
汝等從累劫來名微塵眾三毒競起六欲齊施只因一念之差
遂使萬般之現墮在苦趣永無出期斯宵齋主發廣大心行方
便力再持五百卷上報四重恩檀施周圍片誠表懺甚妙甚深
華藏海無滯無礙大法達孤魂孤魂請聽諦聽往昔支解不生
歌利之嗔爾時奉行皆動修羅之喜罪業即為消滅功德不可
思議勿起狂亂心當思恭敬禮威儀寂靜如遊祇樹之園供養
莊嚴好赴伊蒲之饌欽吾付囑是汝因緣

施經齋會戒約榜

在軒

人生死海同歸流浪之中佛功德天廣度沈冥之下能濟法界
虛空界莫如大乘最上乘編座念經冥司聽誦而合掌開藏取
卷閻羅間說而讀言文昌不過一函法正止云七編當知果報
不可思議何況有人如是布施手卷累二千軸口誦精四萬篇
未嘗得聞是經甚為希有我今實言是口汝於意云何汝等來從
地水火風本如夢幻泡影一竟黃梁之夢百年六槐之宮牽絲
刻木作老翁捏目生花成妄境水中有相大活生小漚生燈外
無形昔子行今子止草頭露不須更頃石下電一刹那間所謂
六如盡空諸有若人深解所說義於法當作如是觀今宵為主
代為汾陽公來作祇園會善護念善付囑欽体如來之心若卵
化若濕胎徧及衆生之類每念河沙之法劫曾取若原物之游魂
憫其無告之孤憐其不祀之鬼所以攝爲人說大作善緣莊嚴
是名莊嚴表懺金剛大典滅度而無滅度利益水陸有情孤竟
孤竟恩幸恩幸勿作人我相勿生嗔恨心如鼻之經因緣相遇

過此以往機會難逢好乘般若之航速證菩提之果相求相獲
誠喜誠歡月白風清共赴給孤之會天降地厚每忘施主之恩
佛勅有嚴齋壇在上

水陸戒約榜

在軒

告五姓孤冤等沈冥朽壤幽泉之日久矣蓋聞人生死海業浪
無津佛功德天慈雲普度是故曼拏功德席修法施因緣汝等
纏宿世冤墮累劫數蔓草深淵斷蓬棲魄日悠悠兮幾度秋夜
漫漫而何時日客死異土號為無主孤冤孤魂冤苦冤苦今者
某官當太平世發大慈心為汝仰籲蒼天憐汝不見白日爰依
梵律晉設法筵救度一切衆生思偏三千世界酥陀山積甘露
海深孤冤孤冤恩幸恩幸汝等快逢善會頓悟妙因得聞清淨
音不 音當作歡喜想希有想勿以強陵弱勿以卑踰尊去人
我山滅貪嗔障好乘檀波羅密普施無邊即現大將軍身悉令
得度志心諦聽如法奉行

保安勝會戒約榜

在軒

佛視衆生如子弘開濟度之門人窮無告曰孤最苦沈冥之路
是故靈山說法尔時地獄停酸咨爾孤鬼聽吾弘誓昔在嘉平
之月廼有毗嵐之風惟我聖王関于民命佛隨念天隨念皈依
福善之仁心太平身太平憑藉保安之力荷乾元之密運喜師
武之凱旋重淮兵革以來累有厄屯之數冤冤相報劫々未終
妖氣流行飛鬼嘯時篁竹暗幽魂沈痛社鵲啼颯血花
紅糜有出期永爲苦趣斯宵齋主修崇好事答謝洪恩禮七寶
浮屠設一筵法施琉璃滿月現出心灯樓閣諸天結成藏海幾
年無此境界今日重見威儀有感有應神通無量無邊功德尔
等身膏草野骨化楓林柳絮浮萍本無根蒂梨花榆火虛度韶
華此會難逢甚爲希有勿起貪嗔念當生歡喜心合掌聞經安
心受食從此相輪頂上永息替矣罔之声當今無盡劫中盡息
阿脩羅之間各宜諦聽如法奉行

惠雁廟齋會戒約榜

在軒

沙界群生四大無非假合業身累劫大道不免輪迴是故有滅
有生皆由自作自受苦海鼓業風之浪稠林鬻冰見之塵諸天
正樂脩羅方噴業珠已積罪鑑難逃欲修有漏之緣須種無遮
之福昔我大乾梵王受戒圓覺禪師修齋勸大王作此當生之
果悟道然同死在於不殺之心所以入佛位中而能救世間苦
曰腸曰雨有欲必從大札大荒何災不滅若有疫死兵死飢寒
死皆在悲觀慈觀廣大觀汝等經浩劫殃號無明種長夜漫漫
何時日潭影悠悠幾度秋月明之鵲無依夜飛之螢自照未曩
輪迴地永無解脫期幸逢八月五日之嘉辰正是千載一時之
慶會齋主既演金輪科教又崇水陸道場焦面聖者為汝開明
灌頂樂師為汝說法交二新廟迎來億聖萬靈依二法筵普度
孤魂五姓恩幸難思難思今者說寫嶺因緣幸龍湖偈句
即此比立之飯廣具乾施之仁當生歡喜心共為皈向颺里社

嗚而聖人出咸瞻惠應之光天堂有則君子登速證如來之寶
各宜諦聽如法奉行

道峰齋會戒約榜

同前

法界衆生徧虛空界道峰一會是妙高峰凡今大地山河同此
須弥日月在在處處二皆歸圓鏡之中香二冥二不照覆盆之下
幽篁長夜枯木幾霜裸壤無繒翳林如障三生石上那知舊日
之精菟五蘊山中寧避尔時之劫數或投崖而仆壑或溢谷以
填坑孤魂孤魂是誰某氏冤苦冤苦無解脫期惟有大菩提是
汝真皈向茲者曇華瑞世善果濟人紫金色之妙身瑞嚴相好
碧玉峯之顯跡具足神通乘龍到處赴齋筵跨虎如今歸聖境
千巖湧月青蓮座之淨空萬谷疑煙寶檀香之結篆黃花無非
般若翠柏即是禪心二千世界而用不皈依百億化身而無邊
利益今宵齋主對揚聖日大效恩天宣鷲嶺之旨乘敷象筵之
法施甘露如池不竭熱惱轉作清涼酥醃寺山俱喜之小乘心令

滿足汝等當生希有想勿起下劣心洗耳聞經開咽受食唯應
山頭月常瞻圓照之光猶是夢裏人速證如來之竟慈悲哀閱
信受奉行

五通廟戒約後

在軒

世間十二類生俱入無餘滅度如來千百億化正爲大事因緣
念四大假合之軀有六道輪迴之苦是故靈山二會以濟法界
衆生其間無主之狐鼠最大慈所閱不有我法永無出期汝等
從累劫來號無明種心如栲栳本爲癡絕之團身似芭蕉那得
堅牢之物不知其故墮在此中征人相顧月如霜髮經草白人
生幾何春與夏又見梅黃幽閑不開苦樹未拔長作鵠亭之鬼
誰念梧立之魂幸逢四月八日之佳辰真是千載一時之慶會
萬方百姓朝天下之正神三界衆真歸佛中之上善今夜齋主
作莊嚴海建功德林維此武陽莫如順正神現青銅鏡當年曾
著於靈蹤地掾碧玉環此日重與於廟貌揭祥輝於寶鑑照凶

壞於黑山大開解脫之門超度沈冥之路汝等恩幸因幸志心
志心好須聽法聞經便與迴光返照金蓮湧地於今所坐道場
鐵樹開花是汝再生時節不違佛勅咸聽誓言

大洪山戒約榜

在軒

注二沙界苦海無邊渺二塵區業風橫厲二十六犁泥之獄百
萬億鐵圍之山在於業報之中有此輪迴之苦雖然如是豈不
尔思惡是地獄善是天堂一惟心造軍有菩薩佛有羅刹本自
性同是以大雄開濟度之方我佛有奉行之教若使十二類得
聞三宝名字即於幾千劫超出萬果中間慈悲於孤鳧苦楛
苦於幽趣火輪赫二熾燭當空長夜漫二何時盍旦永為不祀
之鬼未有更生之期汝等異縣他鄉單形隻影或歿軍前陣後
或墮山巔水涯萍柳絮之無根野草閑花之滿地哀陽何在
江水空流滄海揚塵桑田幾變凡曰若軍若民之眾皆為大慈
太聖所憐恭惟靈濟祖師住此古隨福地被榜誓鏗戰黑浪之

序教

妖魔建妙香幢仗金剛之正法所至風飛雷厲如見天開日明
幸逢斷足之衣其證化身之果慈雲垂覆處鑊湯如炭之停酸甘
露酒時乳酪醍醐之灌頂西十殿之公王歡喜上八位之聖賢
降臨二十五萬兵馬有大神通六七八九道場作諸佛事恩露
無際利及有情汝等難可得聞其爲希過當生慚愧母得慢憍
卑勿踰尊強無陵弱更相告語好越機緣悲觀慈觀廣大觀悉
皆超度佛力法力威猛力孰不皈依合掌受持志心諦聽

噯母水陸戒約榜

在軒

人生死海最苦孤魂佛功德天莫如法施當來百千萬劫所有
一切衆生業浪弥空幽塗長夜是故阿難尊者爲見焦面鬼王
啓我釋迦如來普散無遮法食凡飲此醍醐甘露皆脫於妒炭
鑊湯汝等號冥漠君本無名子前世因後世果都由自種惡根
新鬼哭舊鬼冤知有誰收枯骨身膏野草血染刀林禍及無辜
橫羅非命其死饑寒死皆爲不犯之人慈觀廣大觀盡是有生

之類不值我佛永無出期斯嘗為主運大慈心建方等會依金山之梵律莊嚴八大曼荼宗水陸之法筵布施三千世界將此伊蒲饌普及群茹多音者目連為報劬勞之德時則地藏宏開解脫之門孝思孝思如是如是茲實難逢之機會以為普度之津梁諸天降臨共輔萬靈億聖七日來復茂迎百福千祥浩浩難思巍巍希有汝等當生歡喜勿起貪嗔母以卑踰尊母以強陵弱志心受食合掌聞經幽幽冥冥盡入普光王之照生生世世勿忘大施主之恩佛勅有廢齋盟在上

薦妻水陸戒約榜

在軒

閻浮世界輪迴生死之途泰山府君管攝人靈之府七十四司之主掌百千萬劫之流遷唯是一類之孤魂甚於三途之苦趣業樹無倚幽閨不開是故金山科教之中所作水陸道場之事起於中饋哀乃下馬發此大慈大悲及於無主無祭汝等是誰氏子本亡是公白骨纍纍二長照如霜之月黑山寂寂未披見日

之雲斯宵齋主遵平等心行方便力念別鵠離鷲之痛驚飛鳥
走兔之流對暮練之小祥修法進之大會普施苑伽河幾現出
兜率陀天孤冤孤冤恩幸恩幸乘菩提之妙果證法喜之勝緣
凡爲東嶽之鬼如見西方之聖甚爲希有難可尋常當生歡喜
心勿起人我見母得憐慢母得貪嗔靜聽海潮音共飽甘露良
本尊地藏既推利濟之心今日天堂正好超昇之境

施經齋會普度門榜

在軒

告五姓孤冤等蓋聞我佛衆生同諸善種天堂地獄在一念間
惟卅尊法界通化之心以中土人身難得之故假使千劫之後
黑業不忘能救諸苦之時金剛最速菩薩初豈求福德果報自
不可思議黃復一函猶免陳昭之罪繡座七遍曾聞法正之功
地獄爲之停酸冥官爲之合掌或寫七部而脫刀林之苦或轉
千卷而解鐵丸之憂法師誦終帙而網中者往生喜兒請一卷
而冥間者自脫是以李元一寫數百部回施冥府董進朝以一

分功祝在陰司泰山府君之庭以此經鬼官不能拘御史大夫
之院以此經聖教之骨髓如是如是善哉善哉汝等從曩劫來
是誰氏子苦樹未拔幽閔不開人世徒迂血食無寄長夜漫漫二
何時日悲風蕭二愁殺人流散數千命併填於溝壑夜徒幾萬
身俱殞於樓松刀山劍樹流血成河瘴雨壘堙積影盈野彭衙
之魂弗返杜陵之骨誰收異縣他鄉單形隻影永無解脫實可
閔憐今夜為主發大慈心施多羅藏離色離相未嘗有貪著之
思無我無人但欲同受持之善緇爲萬徧溥及三途八大曼摩
羅廣法遊之甘露一切孽尼宅散華藏之香雲此經名字汝當
受持是法平等無有高下勿生人我勿起貪嗔好乘是經速到
彼岸志心諦聽歡喜奉行

水陸結界榜

彌勒世尊初無上下虛空趙州城門自有東西南北既有我疆
我界須分一正一邪去處去來處來一任天王而守護尔爲尔

我為我更漁穢跡以祛邪冀願臨得脱阻滯

浴室榜

在軒

人在塵沙劫最苦沈冥佛說曼荼羅先脩淨業凡我有情等眾
共成無垢因緣好將定水之湛明盡洗愛河之汚染澡身浴德
時中清淨六根合掌志心會上皈依三宝甚為希有咸與維新

又

同前

苦海衆生萬億塵沙之劫祇園大會第一清淨之心如是我聞
甚為希有汝等久淪五濁遂墮三塗若濕若胎未識大乘之義
不垢不淨欲聞般若之音好將法水灌洒身心來赴佛筵受雷
功德收衣洗足如見世尊敷座之時偏袒右肩便如長老合掌
之敬故茲省諭咸使聞知

又

同前

生淨提界誰於苦海回頭生清淨心這是祇園說法汝等業纏
五濁身墮三塗不滅不生未悟空中妙相如泡如影幸聞最上

真乘甚為希有之逢同赴無遮之會滌心波羅蜜灌耳海潮音
本是法身安有染塵之境還至本處便如洗足之時好沐勝因
勿違慈誓

又

同前

八功德水佛有方石因緣兩男女堂人說青城感應若欲皈依
三寶先須清淨一心汝等從劫濁來生雜染相滄浪滌穢每思
脫於凶塗瀰精澡神皆願登於彼岸濟苦海無邊之黑浪證元
身不壞之金剛六根六塵悟本來之無垢三薰二沐繞到處之
諸香好乘四句偈之誦持使受一字王之灌施各宜自潔告汝
實言

又

同前

人在膠漆盆中無非業障佛說清淨心者有大光明若欲聽法
聞經先要湯瓊瑤滌穢汝等生五濁世為六塵根佛因緣昔曾
活於法水善男善女今又洗於恩波好灌洒於身心以受活於

釋教門

功德如筏喻者悟種二之皆空浴蘭湯芳願人人之咸喜勿違
慈誓共證上乘

又

在軒

神洋二而在上與作衆安樂緣佛浩二以難思是名入功德水
昔日結成於誓海今朝圓滿於願香尔等為月波民歷塵沙劫
命濁煩惱濁生既陪於泥塗真觀清淨觀身幸逢於灌沐凡而
新鬼舊鬼來此男堂女堂莫教染著在汚認取本來無垢如來
甘露鑊湯到處清涼壯士天河兵甲自今洗淨勿違慈旨共集
善功

又

出垢穢身為清淨身止期解脫惟善提水與功德水大矣拔除
沉汝等食不充容衣無蔽体永劫漂流於苦海幾回淪溺於愛
河若不洗心何由見佛男女不可同浴母得椰揄禍福只在眼
前當分次第洗却平生煩惱換出新樣精神三沐三薰好共凝

龍來聽法載色載笑會看巨蟒亦生天

慈母浴堂榜

八功德水有資滌濯恩波七寶蓮池自是光明樂地念慈母久
淪於傾逝而英魂未測於升沈茲伸薦拔之功尤仗拔除之力
溫泉水滑甘露香浮沐浴三薰洗除五濁鴉翻雲鬢花冠收束
下堂來鳳舞霞裙桃臉焉然紅雨潤斂容見佛肅禮朝王伏願
即此清淨心離却塵濁世慈容穩泛免鼓浪之黑風彼岸先登
觀披雲之白日

本榜二

高斗南

靈根未孕盡云寒谷深沈異種萌芽便見陽春發豔況是難藏
牙爪不妨更長鎗旗某師秀穎出奇良標特異分乳寶苑春之
瑞價重崇林占壺源上苑之魁名高萬世雪甌初泛清香已遍
於湘湖銀鼎堂烹滋味更傳於江浙今攔柯擁千尋之秀致園
春色恰芳菲借徽江分一滴之清正泥源流俱涵湧大家真點

一任沾嘗等閑觸開千聖喉咽直下掃清諸方魔壘管仁不讓
舉豪無碎

謂茶爲苦以蜜說甜同在一塵孰知止味明公長老以廣長舌
說第一義以清淨眼證不二門應感而現法身隨緣而作佛事
衆祖進巢百鳥啼花鳴兩耳之松風倒一甌之茗雪三竿紅日
上正熟睡時兩腋清風生不妨仙去

茶榜華嚴會

香雪一盃別是出塵氣象清風兩腋豁除峯世昏迷移得蓬萊
小鳳團喚起華嚴大海衆不尋枝葉直見本根繙經居士已悟
萍浮飛震道童輒效芹獻紫玉甌中素濤起青蓮座上白毫分
正恁麼袞袞時向這裏惺惺地點頭會意佛家何異於仙家信
手拈來道眼增光於法眼

湯榜

孰多福及本分道人家風冷淡濃煎寧粟無言童子三昧精通

何如細辛薑桂而和合衆香更以酥酪醍醐而撓成一味稀稠
得趣中外皆甜亦能殺人活人莫問有毒無毒其惟某人舌端
具眼肘後有方從來冷暖自知直是消滴不漏解空岩畔以明
無說無聞普濟堂前便好應時應節幸從三請聊薦一澆管胃
中仁聲道腴壯外物煙霞秀色現前法侶同賜寵臨

又

瞿曇說蜜味中邊誠爲至論政公將橘皮熟炙勿訝太清雖然
飲啜不多蓋是叢林盛禮其人任十大刹說五味裨甘露入心
不落醫家窠臼醍醐灌頂能除病者膏肓一瓶盛四大神州何
曾欠少一口吞三世諸佛不見蹤由味之者有舌無皮知之者
點頭嚙唾若有唇乾吻燥一切羣迷欲教瓦解冰消與渠半啣

又

洞庭秋晚黃金橘飽夜來霜南國春濃綠樹梅肥江上雨不惟
熱炙猶可調羹都歸本分品題要在當人斟酌名飛上國德冠

諸方孝者師摸人天眼目叢林自知氣味草木亦仰風立橫渾
舌本瀾翻笑殺行家苦澁鏗湖夢冷從教萬壑爭流螺渚只濃
目看三山繞郭既勤三請聊具一盃仰巽眾慈同垂老伴

監齋榜

在軒

大雄世尊廣修方便監齋度者各有司存瞻宝宇之勝緣修金
山之法施供為三德六味普供萬聖手賢運水搬柴之神通咸
歸妙用供佛齋僧之功果昭告圓成時乃善因毋違慈誓



彌陀佛上座祝香文

在軒

皈命十方佛是名兩足最勝尊稽首萬春堂又現一身無量壽
惟極樂世界有我等導師四十八願度人徧滿塵塵刹刹三六
萬億同號到處巍巍堂堂是故皈依我今供養雖然惟心淨土
畢竟淨土現前所謂自性彌陀真箇彌陀在上眷我紫雲之勝
境儼然白玉之祥光匪琢匪雕呈天人之妙相難思難議顯日
月之睟容新從老匠手中來都向大檀心上起寸成尺尺成丈

胎胎寸念經綸一生二二生三圓滿一堂功德星回斗轉春將
至月吉辰良歲有成碧玉環中照武凡此同時大衆白蓮花上
見今所坐道場聳動觀瞻歡喜讚歎諸人且道是今日阿彌陀
世尊上座一句有何奇特 三株寶樹發心芽一樹生來屬一
家留得三行同一樹元來錦上更添花

遺蘊文

同前

佛海無邊劫中不盡天行已過使者須知維茲大地之衆生均
是兩間之一氣莫非王土里上仁之所居惟尔有神涉吾地也
何故如來被弘誓鑑菩薩作大慈航普濟一切人永離諸苦難
遂亦歿於四裔式遵其行動青陸於千祥自今以始去汝去汝
善哉善哉其聽斯言勿違我法

新編事文類聚翰墨大全癸集卷之五

新編事文類聚翰墨大全癸集卷之六

釋教門

文類

疏語

釋教之定通都大邑也。以子司什室。若羅察。若業。若沙。而儒者一前。之地。郡。各一而已。且業。墜者。之。學。蓋。之。王。之。子。之。也。所。共。許。而。考。國。安。民。之。視。在。上。者。又。有。以。崇。信。之。說。去。下。乎。致。化。一。數。最。若。衆。矣。疏。若。安。夏。河。德。云。

抄題

寺院

仰山太平興國禪寺修造

劉湏溪

仰山聞於天下而及門猥繁弗稱具瞻今達毘盧大閣下列
三門旁出兩樓永鎮萬古二王用勸七聖高居此十方廣大
道場遇上善宏源力量拳頭見月落筆成山

大江之仙有二龍仰高山止三門之上起五鳳如春臺然從舜
若多來剗波羅彌許使二王與小釋迦握手而上使萬代於大
佛頂拭目以觀天下四膝條禪昭昭底靈靈底老僧一絮裝地
盤盤焉困困焉然須大國大都萬金萬石如掉影舉而千人和
如霜鍾應而別岸聞其福德比沙數無窮其功德為人天不朽
寶增上勝事况有李惠心慈恩塔中千佛名莫非施主三鑊潭
底一滴水即是豐年

永新龍宮寺修造

義山之下有龍宮結者居之昆明之水為墨灰僧猶厄此然自
丹漫燒舍利後又見東風鳴野草時談息而蓮花明光氣噓而
寶藏出空空空日日新此處有乘輦老人時來聽法何所無流
水長者種即成因於剎那間化莊嚴劫

珠林寺修造

珠林磊砢遙瞻玉氣之金銀布地寂寥共寔殿梁之風雨擅波

羅者滿眼空嗟峨兮何憂但如雪山有大刀牛便見蓮氣起其
命鳥因緣湊泊福報如然目下念頭不於一佛二佛中布施習
間額上大於三千大千內光明个个圓成人人如願

天華寺修造

治平賜額益國建寺讓補至今与修有待著羅漢出世顯示
道場善信聞風即成福果

地湧應真似是生公之講處致存漏佛又如摩詰之病時固知
幻出皆空不曰種未成果迦陵密笑天女無言海院香風不比
三生之結習拳頭飛白便看六出之莊嚴身坐蓮中福添錦上

雪山寺重修

壬午水雪山蕩尽惟四祖依然想見念摩訶救民病降夏雪
現巨人跡神通妙用如如也寺修未備只慶甚多願以大醫
道場感動善捨重建高明

七伯年前六月雪花鋒頭摩二千界內一螺城浮波羅蜜何木

魚之跋浪致陽馬之奔波然泥佛渡水而不壞身如大像臨江而方濯足以一口吞四大海看廣廈尽起千万間但信衆緣便為勝事大鑿王无什麼与汝安心善男子念摩訶即時成佛

天中天修造

都城天中夫天子春行之盛此未曾觀也伊欲造相出游創成盛事祝 聖迎祥万衆觀感功德无量善信同奉數像隨

施圓滿自然

江南四百八十寺未有知四月八日之因如來百千万億身皆出自天子四遊之力此一螺子世界如昔難陀国城倘使老幼得瞻顏吉之容何至早夜未脫閻闔之苦高峯峨而相望尽不歸人行僂僂其奈何鑿長年者如是如是念哉念哉譬秦越人之入咸陽以童男身而說法事甘蔗種泥土種一佛所成木樹心 栗心何人不勸乃於教外教董立天中天待明年陌上春時与太守邦人遊也一合相如如法法樂施樂成万年王子子

孫孫同福同受

清涼山長慶寺修造

茫茫南北東西甚數是清涼境界忽忽泡影露電云何得長慶
道場若非如來誰有此席奈何秋風茅屋有如今世之杜陵夜
雨笠頭更欠宿生之梁武欲出香臺翠嶺不辭頂礼朱門長壽
佛從心上做來若皈依自然安穩无礙財乃身外物尔要受用
除非布施不慳

新州龍興寺修造

蕭大山

住院幾日便弄土木擬已發心為佛撐拄門庭擬邪囊无一
錢呼匠喚鋸斲已佛國長者多肯布金擬邪徒手而靠聚斂
仰面而徧抄題斲已片片瓦是福蔭條條椽是祿根斲邪必
不唐捐何妨喜捨

造脩雖小果之因不脩則壞布施惟大檀之力幸施毋慳可憐
這出家人却住箇破院子情知空手欲辦蓋頭都料屋宮莫道

添新換舊如來室藏所圖積少成多若了把茅工當持瓣香報

廣州勝因寺修造

同前

每歲問安期生此來歇脚弥天是釋迦佛所欠蓋頭要善提因
一頓重修須歡喜藏十分多捨石羊城出手底快宝象山彈
指頃都新買何處鄧林全仗鄧丈夫錢富助吾家蕭寺却怜蕭
居士俸貧首肯結因緣眼行看突元

靈山寺建

宋梅洞

梅花峰為六祖過化勝境靈山寺為諸佛所坐道場岩瀑常
新棟宇斯稱三身調御按指發光諸天龍神轉身有路是在
檀越丞相衛城

庾嶺而南留下一枝春色金川之上飛來小朵靈山天發其藏
佛如是住具拳石之宝藏蓋野雲之精石移下就高從無作有
左手斷妙喜國處之維摩黃金布孤獨園人人長者

重創觀音寺疏

謝疊山

尋聲救苦是名觀音與佛有緣樂我淨境野火燒虛空而不及
法燈摩訶占以長明歲星已周天道必復宰官長者寧忘補陀
現身大臣檀那還記靈山舊話諸天助力不日成功紫竹林中
散光風於三界綠楊枝上洒甘露於八荒使衆生識大慈悲此
善果勝諸福德宝珠嬰珞豈无普門品之仁賢樓閣玲瓏盡見
華嚴經之富貴

香林院修造

招提種樹皆如切利質多般特扶疎即是檀波羅蜜豈有山門
老大棟宇傾頽不於此日具修更向何方問施但得布金佛地
便聞滿院春風旃檀香紫綉囊香一時作佛訶子大俺摩羅大
眾果成林

歸真院修造

一切有爲皆幻必歸於真萬法所得亦空遂无可壞此發院額
遇開山人於插竹處起道場一彈指間見樓閣我無伎倆在其

人箇半箇間尚有風流與諸公笑三笑者

昇山院修造

程節齋

寺歷年久要使一新若問來世因緣須作今生福果

帶橫一水就中幾簇樓臺斗絕孤山築底十方香火黃老子金
身不現碧眼僧素手相看卻不砌磚遇風作則飛沙瞋目壁无
完堵才水漲則巨浸齊腰有債未償无力可辦既肯來荷着擔
子便須要豎起鉗鎚必晉叩於檀那庶鼎新於殿廡若管城子
脫帽發布施心則孔方兄點頭直剎那頃

大唐普濟院修造

叢林鉅鹿之觀由淨慈下及將山大殿宏源之基信天竺二何如
靈隱今此前陳八柱上列兩樓噌吰鏗鞳音申宏揚磬鐘聲也

之音與薛薛而相若憑陵飛動之勢抚浩浩乎方來豁開畫圖
迥壓塵世當有名賢指凜豈無長者布金於宝樓閣畔念上乘
經向真如鉢頭現華嚴藏峯回路轉尽勝四百八之樓臺天上

釋教

人間共聽五更三之鐘鼓山鳴谷應福足惠生

壽山崇福院重修

本院歲久愈弊志欲一新自諸佛聖僧殿堂官全務使勝舊
垂遠祈祥祝延善信鉅公一力惟意

自宇宙即有茲山其壽如此雖河沙不可為數而福亦然及至
棟宇傾頽乾坤反覆過者為之太息凜然无以自容然使人有
喜心世無難事天大地大佛力大工多業多施主多季欣欣然
与之釜与之便与之粟九百是區者俾尔昌俾尔職俾尔壽万千

安福重建功德院

文文溪壁

无功德有功德一寺發具非莊嚴是莊嚴六虛弥滿不妨布施
共證菩提况陽立元是古道場而法筵宜屬新院主一彈指頃
波演那波演那十回向中摩訶薩摩訶薩願即龍天供養仰祝
日月永長

永新領竟院圓滿

前人

一語已多要會西來祖意方間非廣誰是東道主人若不直下承當真不今生蹉過无諸怪吝真至從十方來是為莊嚴福德滿三千界讚嘆壽者相瞻礼天中尊

東固穀富氏白林院修造

前人

銀色界現前便是西方樂地旃檀林何處只在東溪上游自應千劫長存不免万形有弊去來來去今屬當代住持具廢廢具要在此普圓滿願見布金長者為誦多宝如來非一木之能支以衆力之輕奉回頭世間法好結人緣稽首天中尊永作神主

棲林院修造

前人

寺基武德久居四立壁家巖起紹真朽尽入承天柱雲護棲林之額塵生香積之厨使其當吾世而不修何以与諸山而競秀今欲借廣寒之斧使須布長者之金一笑春風二熏甘露十方東西南北四維上下妙普莊嚴三世百千万億一切聖賢證諸布施五風十雨万歲千秋

黃施院修造

蕭大山

釋迦住處僅存茅蓋三間擅越肯時不伯草深一丈雖大膽敢
言修造然小心也會結緣若逢長者布金便請工師度木雲棲
靈閣莊嚴成蒼園林中晨鼓夕香報答向菩提樹下

雷塘院修造

宋梅洞

本寺自唐迄今不修且蠹今擬廣堂廊新塑像剏寶殿飯十
方諸大長者隨力結緣所有福報當如佛說

山河世界分明是平地土堆城市閑人且修取自家屋子展轉
數畝雷塘之地作新一邑雲水之鄉法堂僧堂八柱承天半藏
全藏双樞繞電檀那筆轉箒等花開四維上下南北東西莊嚴
功德六府金木水火土穀報答乾坤四海一家元貞方歲

西山報恩院修造

黃玉林

南瞻部州萃華嚴之海會西山古刹納芥子於須弥柰法堂之
半歌漂老屋之欲壓既稱是僧家常住不容作傳舍看承老苾

芻耒傳法東林誰不念觀音菩薩生身中國何未識補陀道場
願將一手莊嚴留与万人瞻仰是空是色似難掛於形容大慈
大悲已可想其兒像此即是西湖天竺不須涉東海風波紫竹
林中日日光風蕭洒綠楊枝上時時甘露清涼誰捐火宅之金
銀誰獻普門之瓔珞現宰官現長者莫忘我禮之因緣善男子
善女人自種來生之福德



吉州淨居禪寺題法堂

頊溪

堂在青青深處誰不尋思事須急急修時理難待信今天中天
已建欲日又日俱新豈有四縮皆張而獨一室不埽彼有粟方
有奎天下祖山千斯倉方斯箱道河沙福

永業院修法堂西廊

前人

露柱長廊一邊有雨一邊无雨微塵舍利万法皆空万法不空
古復古而燈常存壞不壞而主元在假合南開北瞻莊嚴東院
西堂况有前三与後二豈容率一而發一念彼觀音力而具大

悲心乃於千佛中作增上勝事是圓滿者得福德多

西峰修法堂

湏溪

本寺惟法堂蔽甚今欲建樓其上風幡堂三是大奇特諸善知識必喜成之

西峰正月六日之盛天下所無壬午四郊一水之餘法堂尤甚豈有肉身菩薩如圓淨佛大孫為岩公而頽乎而壞乎而梁木大山乎莫休去莫歇去莫古厝香炷去今欲秋成新建樓起四明俯空闊而鳳飛來登妙高而螺攀堵如林善信為國莊嚴是雖屋上屋頭上頭了无所礙欲求男即男兩即兩贈以之中

大原寺重建法堂

退齋

梁開平梵寺肇基已更七代宋紹興法堂重剏何啻百年家教有嚴檀那不動豈意鬱攸之變偶延釋氏之宮雖其徒守護之弗虔亦此數遭逢之一厄今欲重新輪奐依舊規模復鍾魚千古道場藉龍象大家氣力莫說佛難度火湏存百千万億劫不

壞法身空知天解兩錢又見三百六十年重來檀越大大捨施
早早完成

福林寺修造法堂

允齋

祇樹給孤獨園歲久不勝其弊摩訶檀波羅蜜時當咸與惟新
木上座難遽扶持善法堂先宜修造要宣第一義專接上等入
鹿苑座前肯使草深一丈雪峰頂上那堪衆滿三千倘能施法
施財全勝聚沙衆土慈悲喜捨願成就於福田刹土中見闡竟
知敢干冒於諸方太長者

枝江縣安室寺修造法堂

前人

慧安國師曾托生於刹土希夷處士亦寓迹於隱居阿蘭若由
是屹然僧伽耶於焉止此奈宋无忌屢行毀壞致木上座獲扶
持雲蓋瓦蓋未遇奇人財施法施須投長者惟願各傾多室咸
却來同就選佛場期棟宇之重新要輪奐以俱美若第一義無
歷二以演揚諸上人當款款以延接



普智經堂

湏溪

高沙善信普智經堂得地異修而來問法

普者无人无我无眾生智即不貪不嗔不癡者以如是念如是所作甚深義實深堂諸林道民來入淨社我談錫義勝木義結喜歡緣汝從梵音起潮音妙莊嚴域事湏不吝福亦宜然

觀音經堂

前人

此屋幾何也占虛空三丈入門一句便知性命双修以此建立道場即是打坐去處東隣古佛西看瀆山若便有二頃田亦能作十方供胡亂胡亂來喫飯困來眠頭陀頭陀春有百花冬有雪

建靜聖經堂

番陽柴化士所至建經堂開接待是堂以奉觀音名曰靜聖佛好佛之心如瓔珞身摘摩訶勒入中度人之道從木素地化蒼葛林以世韻誦普門品山鳴谷應水流花開不知何年此地

有誰來便做赤日魏去隨成願力注衆喜懽一切有爲如是
觀人生謾寄過去見在未來世福力无边

曾房

珠林僧房修蓋

珠林重修左个右个个笏室偏敞前三二後三三其用工如
八九仞山而圓果如十四夜月明朝後日滿院香風山裏寺二
累山莊嚴自別幣爲泉二爲幣世界做成

佛殿

普信院建佛殿

錦綉名山鳳皇袂揖旃檀古刹龍象莊嚴幾年安住道場一日
幻成魔境无量華樓閣謂与法身化身報身而俱存推落大火
坑乃至牛車羊車鹿車而莫救

三派院重修佛殿

世尊与文殊普賢非一非二此屋如切利堯率幾世幾年以一
切有爲法觀度无量阿僧劫大衆佛殿倒也復次靈光巍然尽
世界七室莊嚴同山河大地起立括一笠盖雨漏歎擲是因緣
釋教

著作具從天上來更有詩持故如來說得福德多

重修中興寺岩上殿

頌

中興禪寺古佛舊游香火與西峰同殿宇在東朔下喧卑近
路敞漏經年將拓也於祇園改奉公於方丈與万众瞻仰為
百代因緣與費不訾開修共喜以金剛杵扣銅鐘鳴

古佛之在山中歇若自可世尊所住園內杖錫曾遊別來幾度
菜花開到處千年日子熟塵埃小殿風雨東偏白衣紫帽有時
而重逢及壁青苔不知其非舊乃有長者徧觀道場於十笏室
邊得一架菜地可以結界應於當陽首破屋數間偏及復偏及
今高堂方丈中興又中興誰為雪山半共起法筵象施无不報
贈以之中



南皇建藏殿

南皇降壇何啻數千个普慈寺藏不轉二十年爰有性師起
大慈悲念移彼就此与衆作緣万金莊嚴七宝和合演慈衆

力樂施一言

茫茫高里不見一人之迴蕩二風輪入諸天之勝一轉失過
去世再來作快活人借他磨石之沈埋亦我金光之亦現種聞
長者異炬火為万人緣何以大家起宝藏成千佛會明年寒食
滿路花開

隆慶重修藏殿

藏起淳熙良經頭良化為肉身豈隆事迹奇特而棟撓已廢
甚鉅大善入信樂施立成

日月之在靈空天為光明藏山谷之於隆慶轉滄海輪是雖因緣
建立有側豎護時然但以言語音聲作增上勝事如劫石一爛
而天機常新時即世間神通佛大以願力持国土從樹心轉法
華安經藏中即是阿賴耶識良經頭去豈无許玄度來



十一殿修造

瀨溪

江村古寺託於長者之間風雨頽廊豈是何王之殿瞻焉修復
釋教

爾衆多列爲干地十觀以象三公二又宣室但言鬼神事不也世尊天堂必有君子登存乎人者

宝香岩峰院題修漢帝殿

何致軒

金人一丈六身白馬昔開山漢地火德二十四帝赤龍今移蹕梵宮雖平山香火盛似宝山寺道場然神舍工夫欠个王金城施主未彷彿西都東都之乃一凡張王南宗北宗之大千厥有羅十沙門肯爲刘氏祠宇莫只道化蓮蓬現身挿草這全弄大檀那協力撒花銘沛匡原箇而生成既普供大慈大聖乘芒錫雲而布澤管雨及我公我私



長度寺修鍾樓

草杭山

一声烟際衆鷲吼地之歎音百尺雲間誰是擊乎天之鰲足野衲於此山无能爲役法堂三斯樓何幸一新願諸檀發歡喜心使我佛具翠巖相欲欲隱三勤猿鶴之懽声魏二我二作龍龍之巨鎮一番綠事乃種福田



吉水東山金城閣若修三門西廊

四山如郭有來蕭寺之驚飛遍地布金不比王家之馬墀使此
城化大千色界即諸佛皆丈六生身紫磨紅光都无实相黃花
翠竹同是真如夫何風廊如此兩撮有明外提金剛杵示大神
通使墮下摘剝子鈴得无量報破慳成福歷劫鑄人

大家山建三門

頤溪

无任長老談性田山山名大家堆起別峰用二三千方人之
力已成殿藏四圍而三門未建結蓋未能求疏圓成无不与者
普賢駕法筵家蹴踏未休老僧作山下牛開菴有分可惜千百
億身之不給遂如半九十里其奈何然別峰高萬在性田上上
豈有平地為山猶可而患道旁築室不成人有肯心世无雜事
圓滿之功最大合尖之廢亦輕无任如何有佛處不得住仍前
与麼此善擡勝如前謂福德多非波旬說



清涼庵修造暖待所

前人

釋教

僧印於肝江城近卓庵接待名曰清涼為余乞言

人世如六月熱无休歇時佛法於中路間与清涼散使觀障為
墮海者於此回首使服牛車土坂者於此息肩步行來乘舡來
葛首去喫茶去賴諸賢進助我具修或捨幣以指其左或施田
以為之飯平仲北回謂之南去何日无人淵明歸去靈運來時
有詩入社

慶

慶古佛生辰

熊晉齋

二月八日幸逢和水辟支佛誕辰眾信一心庸建滿月藥師灯
之法會逾歲已成故曲何人不沐洪恩傾吾邦台境之悅為我
佛出世之賀但勝會不无費用而良緣湏藉抄題倘蒙樂施捐
金心无不肯便得尋光見佛福有攸歸

迎

接古佛香燭瑞岩

前人

佛法慈悲何假莊嚴之有人心皈向可无恭敬之將况幾年不
沐洪恩而一日重只舊典瑞氣霽檀烟一縷要令福地長春祥

光燦蓮炬千枝管取人天不夜尚賴同心協力便能喝水成冰
或捐谷或捐金自有因自有果滴水滴凍我碎支斷不忘忘如
阿如凌諸施主終教獲福

平山請瑞岩古佛

劉平野

古佛下生當是六月六日平山善會從來一歲一回瞻象馭以
來臨喜鴻恩之施博飯依菩薩類為表寸草之心成就功德天
尚有賴眾耕之力自願同濟之縮手難為獨掌之出頭欲依每
年眾設科儀要檢舊日現成体例同出大家氣力各看我佛面
皮權喜隨緣管取分文落着神通具眼會教福海无边

瑞雲庵

瑞雲庵礼十王化位

熊古山

真府王官分為十殿西方緣業以喻群愚謂能瞻礼无上尊則
可滅除煩惱障碍作是會已越者驟然雖識法既已粗修然食輪
未能先轉擬效托鉢繞城之故事徧于捐全扣廩之大賢倘蒙
發慈悲心香積藏即時圓滿推願證菩薩果功德山不月增崇

釋教門終







浙江圖書館善本

甲 登記號：015713

一九 年 月 日



Blue Cyan Green Yellow Red Magenta White 3/Color


© The Tiffen Company, 2007


TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17 18

Inches





TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color